



Ikuallatsitsisinnaasumik atortoqarluni sulineq pillugu politikki.	Takussutissiaq: Ikuallatsitsisinnaasumik atortoqarluni sulineq pillugu politikki.	
	Akuerineqarpoq:	01-03-2024
	Kingullermik iluarsaanneqarpoq:	01-03-2024
	Nalunaarsuinissap tulliata ullulernera:	01-03-2025
Takussutissiaq uannga suliarineqarpoq:	John Maahr Hansen	Date: 15-02-2024
Takussutissiaq uannga akuerineqarpoq:	Embla Kristjánsdóttir	Date: 01-03-2024

Ikuallatsitsisinnaasumik atortoqarluni sulineq pillugu politikki.

Ilisaritsineq

Ikuallatsitsisinnaasumik atortoqarluni sulineq kisitsisit malillugit amerlasoorpassuarnik ikuallatsitsisarsimavoq, pilersuinissamat qulakkeerinninniarnermut tassungalu atatillugu aningaasartuutaaratarsinnaasunut sunniinerlorujussuarterarluni. Namminersorlutik Oqartussat atortui pigisaalu ikuallassinnaanerat ilimanaarsarniarlugu ikuallatsitsisinnaasumik atortoqarluni sulinerlut tamanut politikkimik pilersitsinissaq aalajangiussimavarput.

Ikuallatsitsisinnaasumik suliaqarneq tassaavoq ikualanermik, innaallanernik imaluunniit kiammik pilersitsisartut assersuutigalugu gassimik ikumatitsiviup, svejserissutip, vinkelsliberip imaluunniit skærebrænderip atorineqarneratigut. Ikuallatsitsisinnaasumik suliaqarneq ilaatigut tassaasinnaavoq illup qaliani pappialarsualerineq, svejserineq, isaterineq imaluunniit gassimik ikumatitsilluni naasupiluiaaneq. Ikuallatsitsisinnaasumik atortoqarluni sulineq suleriaatsinik allanik atortorissaarutinillu allanik atuilluni aamma pisinnaavoq.

Namminersorlutik Oqartussat ikuallatsitsisinnaasumik atortoqarluni sulineq pillugu politikkiat "minnerpaamik piumasaqaatitut" paasisassaavoq, namminerlu suliaqarnermi imaluunniit avataaniit sulisunik imaluunniit suliaqartitsisunik atuinermi malitassaalluni.

Politikki sumi qaagukullu atuuttarpa

- Politikki Namminersorlutik Oqartussat pigisaanni illup iluani imaluunniit qaavani (teknikikkut atortut tamarmik ilanngullugit) ikuallatsitsisinnaasumik atortoqarluni suliaqarnermi tamatigut atuuttarpoq.
- Politikki Namminersorlutik Oqartussat pigisaannik illunik sanaartornermi imaluunniit illup ilanerani (teknikikkut atortut tamarmik ilanngullugit) ikuallatsitsisinnaasumik atortoqarluni suliaqarnermi tamatigut atuuttarpoq.

- Politikki Namminersorlutik Oqartussat illuutaannit teknikikkullu atortuannit 10 meterit inorlugit ungasissusilimmik ikuallatsisisinnaasumik atortoqarluni suliaqarnermi tamatigut atuuttarpoq.

Ikuallatsisisinnaasumik atortoqarluni suliaqartoqassappat uku

isumagineqarsimassapput:

1. Immikkoortortami aqutsisut ikuallatsisisinnaasumik atortoqarluni sulinerup naammassisimaneranut akuersinnaasussamik toqqaassapput. Inuk akuerisaq imaluunniit inuit akuerisat ikuallatsisisinnaasumik suliaqarnermi aarlerinarsinnaasut pillugit ilisimasaqassapput misilittagaqarlutillu inissisimanerallu tunngavigalugu malitassat naapertorlugit suliap suliarineqarsinnaanissaa qulakkeerneqassalluni. Akuersissummik tunniussisoq suliap naammassisimaneranut akuersisooqqusaanngilaq.
2. Inuup/suliffeqarfiup ikuallatsisisinnaasumik atortoqarluni suliarinnittussap suliaq inatsisit maleruagassallu naapertorlugit isumannaatsumik suliarineqarsinnaassasoq qulakkiissavaa.
3. Ikuallatsisisinnaasumik atortoqarluni sulinermut akuersissuteqartoqassaaq. Ikuallatsisisinnaasumik atortoqarluni sulinermut akuersissut sapinngisamik piffissami sivisuumi atuutissanngilaq. *(politikkimut matumunnga ilanngussatut "Ikuallatsisisinnaasumik atortoqarluni sulinissamut akuersissut"-ip assinga ilanngunneqarpoq)*
4. Pissutsit sukumiisumik naliliiffigereerlugit ikuallatsisisinnaasumik atortoqarluni sulinermut akuersissummik tunniussisoqartarpoq, takuuk "Ikuallatsisisinnaasumik atortoqarluni sulinissamik inniminniisup suliassai". Malittarisassat allat isumaqatigiissutigineqarsimappata akuersissummi nassuiarneqassapput.
5. Akuersissutip atsiornera sioqqullugu immikkoortortami akisussaasup sillimaniarnermut tunngasut tamarmik naammassineqarsimanissaat qulakkiissavai.
6. Akuersissut pingasunngorlugu tunniunneqassaaq. Akuersissutip assinga ataaseq akuersissummik tunniussisumit paarineqassaaq, taassumalu sullivimmi piumasqaatit tamarmik naammassineqarnermut nakkutilliisinnaassalluni. Akuersissutip assinga ataaseq suliffeqarfimmit suliarinnittussamit imaluunniit inuk suliarinnittussamit toqqortarineqassaaq. Pigaartoqassappat/matulerisoqassappat akuersissutip assinga kingulleq tassunga tunniunneqassaaq.
7. Ikuallatsisisinnaasumik atortoqarluni sulineq naammassippat ikuallattoornissamullu sillimmatit (taamaattoqassappat) ikkunneqareerpata akisussaasoq kalerrinneqassaaq. Akisussaasup nammineerluni suut tamarmik pissusissamisoornersut misissussavai. Suut tamarmik ajunngippata suliap naammassineqarneranut uppersaataasumik akuersissummik tunniussisup akuersissutaata naqqata tungaani atsiugassaq atsiorneqassaaq. Ullup suliffiusup naajartornerani

akuersissuteqartoqarpata suliat tamarmik naammassippata sulisunit akuerisaasunit atsiuisoqarsinnaassasoq qulakkeerneqassaaq.

8. Akuersissut atsiorneqarsimasoq siunissami atugassatut akuersissummik tunniussisumit toqqortarinqassaaq.

Ikuallatsitsisinnaasumik atortoqarluni sulinermi malittarisassat

Suliakkiisup suliassai

Suliap aallartinginnerani

- ✓ Illu eqqissimatitaanersoq misissoruk aammalu immikkut pissutsit immikkullu isumaqatigiissutit atuunnersut misissorlugit.
- ✓ Ikuallatsitsisinnaasumik atortoqarluni suliaqarnermi immikkut sillimmasiinermi piunasaqaateqarnermoq imaluunniit immikkut piunasaqaateqarnermoq misissoruk. Pissutsit immikkut atuuttut pineqarpata suliaqartumut taakku ingerlatinneqassapput.
- ✓ Ikuallattoornissamut pigaartoq sulinerup aallartinneranit naammassineratalu kingorna nal. akunnera ataaseq sinnerlugu peqataasusaaq toqqarneqassaaq. Ikuallattoornissamut pigaartoq suliamik suliarinnittuusinnaavoq.
- ✓ Ikuallattoornissamut sillimmatit nammineq aallartittartut pigineqarpata attaveerullugit. Atortulersuutit pisortanit piunasaqartut pineqartillugit upalungaarsimasut atortorissaarutinik ABA-nik attaveerussitsinermi attavinitsinermilu kalerrinneqassapput. Piffissami siviunerusumi (akunnerit 24-t sinnerlugit) attaveerussitsisoqassappat sillimmasiisarfinnut aamma nalunaartoqassaaq.
- ✓ Sulliviup atortunik ikuallajasunik pujoralannillu eqqarneqartarnissaata qulakkeernissaa.
- ✓ Atortut ikuallajasut pequttallu allat sullivimmit minnerpaamik 10 meterisut ungasitsigitillugit inissinnissaasa qulakkeernissaa. Tamanna periarfissaanngippat qajannaatsumik isumannaatsumillu qallersuisoqassaaq, imaluunniit suliap pilersaarutaasup ikuallatsitsisinnaasumik atuinani qanoq suliarinissaa isumaqatigiissutigineqassalluni.
- ✓ Qupinerit ammanerillu, ass. usserutit allallu ikuallajasut ussiitsuunissaasa qulakkeernissai.
- ✓ Suliffeqarfiit, inuit kiisalu ikuallattoqarnissaanut pigaartut isumannaallisaanermut piunasaqaatinik atuuttunik, matumanilu BtV10-mik, ilisimasaqarnissaasa qulakkeernissaat.
- ✓ Suliffeqarfik suliaqartoq immikkut aarlerinaatit, sanaartukkat, silaannarissarfiit, qalliinerit il.il. pillugit ilisimatitsivigalugu.
- ✓ Ikuallattoqarnermi kalerrisaarutit aallarsinnaaneri qulakkeerlugit.
- ✓ Isumaqatigiissummik immersukkap misissorneqarnissaa, immersorneqarnissaa atsiorneqarnissaalu qulakkeerlugu, kiisalu taassuma assilinera isumannaatsumut toqqorlugu.
- ✓ Sulinermi avatangiisinik ataqatigiissaarinermi malittarisassanik atuuttunik malinnilluni.
- ✓ Pissutsit allat atuuppata tamanna allattorneqassaaq.

Suliffeqarfiup/sulisup suliarinnittup suliassai.

Suliap aallartinginnerani

- ✓ Sulliviup atortunik ikuallajasunik pujoralannillu eqqiarneqartarnissaata nakkutiginnissaa.
- ✓ Atortut ikuallajasut pequttallu allat sullivimmit minnerpaamik 10 meterisut ungasitsigitillugit inissinnissaasa nakkutiginnissaa. Tamanna periarfissaanngippat qajannaatsumik isumannaatsumillu qallersuisoqassaaq, imaluunniit suliap pilersaarutaasup ikuallatsitsinnaasumik atuinani qanoq sularinissaa isumaqatigiissutigineqassalluni.
- ✓ Qupinerit ammanerillu, ass. usserutit allallu ikuallajasut ussiitsuunissaasa nakkutiginnissai.
- ✓ Ikuallatsitsinnaasunik suliaqartup tamakkuninnga sulisinnanissaminut ilinniarsimanerminik allagartaqarnissaa qulakkeerlugu.
- ✓ Suliaqarfiup eqqaani qatserutinik piareersaaneq inissiinerlu, ass. BtV10-mi maleqquneqartut malillugit slangit imusat aamma imaluunniit qatserutit tigumiartakkat naleqquttut.
- ✓ Suliffimmut suliffimmillu isaarissat qimaaffissallu asserneqarsimannginnissaat kiisalu ikuallattoqartillugu ingerlaannaq atorsinnaanissaat qulakkeerlugu.

Sulinermi

- ✓ Suliamik isumannaallisaaneq pillugu piunasaqaatinut atuuttunut naapertuuttumik suliaqarneq, matumanilu Brandteknisk Vejledning 10 ilaatigullu piunasaqaatit immikkut ittut.
- ✓ Sullivik nakkutigineqassaaq, suliap sularineqarnerani ikuallattoqariataarsinnaasoq eqqumaffigineqassaaq.
- ✓ Suliffik qimatsinnagu sullivik misissorneqassaaq, akisussaasorlu ilisimatinneqarluni.

Suliap sularineqarnerata kingorna

- ✓ Ikuallattoornissamut pigaartoq sulinerup naammassinerata kingorna minnerpaamik nal. akunnera ataaseq sullivimmik nakkutiginnissaaq.
- ✓ Ikuallannermi kalerrisaarutit atortorissaarutillu ikumasut allat attaveerutsinneqarsimasut suliap naammassineqarnerata kingorna ingerlatiinnaq imaluunniit sapinngisamik sukkanerpaamik attavititseqqinneqassapput.
- ✓ Sakkut svejserisutillu sullivimmiit peerneqassapput.
- ✓ Akisussaasoq kalerrinneqassaaq akuersissumillu atsiorluni.